

علوم اقتصادیہ و اجتماعیہ

مجموعہ کلاسی

ہر ایک پر تجزی گوی نشر و التوز

مؤسسی

احمد شعیب ، رشاد توفیق ، محمد جاوید

مترجمات

پورسہ معاملاتی : — روحیہ احمد شعیب ، — پودجہ
دائرہ احمد ترحان ، — اصول عمومیہ نکالندہ ناظم راغبہ —
اصول سکہ عینہ : سافری ارتاق ، — فرانسیہ اختلال
کبریہ احمد شعیب ، — حقوق اساسیہ مدخل : رشاد توفیق —

مدیر و صاحب انتشاری :

محمد جاوید

ایفہی : ۱۰ غروش

انتشاریہ

انور ادارہ و تحریر : طین مطبعہ سی

۱۳۳۶

روسیه

تبعات محیطه و منشیه

○

مسائل مذهبه ك اهميتى اثبات ايمانك ايچين دورودراز يازمندنه
يالكر فرانسه اختلال كيرندن اعتباراً آوروپا تاريخنى كوسترمك كافريندر.
بواهميت روسيده دهازياده، دها شخصى ودها مى در . بناءً عليه روس
قومك اعتقادنى تدقيق آيلمك اونك اتنوغرافيسنى، عادتنى، افكارينى
روح ووجداتى اوتومق ديك در . اساساً دنياده اعتقادسز بر دولت
ناسيندن جوحواده برشهر ياتق دهاقولاييدر . دول جديده ك تهلكسى،
حيوانات و اختلالاتى قسماً اعتقاد قديمى محوايله يرينه هنوز باشقه برشى
قوياماملرندن دولاي در . سوسياليزم، آنارشيزم ، دها عمومى برتخير ايله
فكر اختلال اعتقادسزلك بويوك اوغنى در . اعتقادساوى مقامه شيمدى
ريوزنده قورولان اوهام و خيالات قائم و المقده در ! اقوام غريبه ده، اساس
ديندن محروم قالان جمعيت بوتلى دهاچوق ويا دها آرز تيرديه ن علمده،
نيكهستينك تربيسنده وبالخاصه منافع ماديه ده بولايير . روسيه كى بالنسبه
فقير بردولتده، روس قومى كى تربيه فكريه سى هنوز آرز بر قومده ايسه
دهاچوق مدت بويله بر منبع وجوده كله ميه جك در . دين روسيده ده جمعيتك
وانتظام اجتماعينك يكانه مسكاسى در . اوراده اختلاله اك بويوك مانع وجدان
جماعتدر . حكومتك نفوذى، ملك چاره قارشى بسله ديكى احرمت و محبت
مستدر . حالوكه ملكك حكمدارينه قارشى بسله ديكى بونوع حياتك
اساسى ايسه تماماً ديكى در . ديكر جهندن روس، موجوديتك، اخلاق
واداتك تحت تاثيرنده سوسياليزمه يك مستعدر . دينسز بر روسيه دنياده

آنکه اختلاجی بر ملت اوله جق در. اوراده دیندن بوش قانان موافقه در حال
 سریالیست خیالاتی استیلا ایدیور. لاکن الیوم روس روحی درین
 بر صورتده دیندار در. عقیان وانکارنده بیله بیلمیه رک دینه مخصوص
 اولان اعتیاداتی، هیجاناتی، بویوکلکلی محافظه ایدیور: نیلیم روسلرک
 دیندن زیاده حیاسنده در. وبوسیله در که فطره دیندار اولان قادینار
 بو حرکت اختلالیه به را کثرت عظیم ایله اشتراک ایشلر و ایدیورلر.
 خریستیانیتک ویردیکی امیدلری غائب ایدن قادین خیالات بشریه به صغیره رق
 بدیهه آمالی ایچین حننی، عشقی، شایستی، عفتی فدا ایتکدن اجتاب
 ایتیور.

روسیه ده جماعت ججیات غریبه نك بر عصر دینری کچیردیکی بحران
 دینییه، بوتردد صفحه سه هنوز کله مشدر: اقوام جدید نك صحت
 اخلاقیه نی انساد ایدن بوتبدل عظیم فکرییه او دها کیرمه دی. روسیه
 الیوم ته نولوزیک دوره ددر: اوراده قرون وسطا هنوز دوام ایدیور.
 روسلرک لوتوری دهامانسترندن چیتما دینی کی وولته ری ده دنیایه کله مشدر.
 روسیه آوروپایه نظراً اون اوچنجی ویا اون بشنجی عصر ده قالمشدر. بو
 ملکیتی اکلایم ایچین رونه ساندن، رده نورمادن اولکی زمانلره ارجاع نظر
 ایتملی در. خلق، غربدن بوس بوتون باشقه بر هوای اخلاقی ایچنده
 یاشایور غربدن وزان اولان روزگارلر روس هواسنی تجدید ایچین چوق
 مدت بکلیه جکلر در. قومک سویه عرفانی، تاریخی، حال اجتماعی و سیاسی
 بو تمایلات دیندارانه به بیکانه دکلدز. روسلر او قدر مظالم و استبداد
 آلتده آزلشلردی که باشقه بر عالم مرحله التجا، دینک آغوش تسلیم سازینه
 آتیلندن باشقه چاره یوقدی. روسیه ده طبیعت ده انسانلر کی ظالمدی.
 روس موجودیتک بوتون آلام و خجایی عینی نتایج بادی اولیوردی.
 روسلری بدبیکانه، میستیزمه، نیایز مه سوق ایدن تاریخلری در.
 میستیزم روسیه نك طور اغندن فیثقیروب ساندن آقپور. بو حسی

صواعون طبیعتك، واسع اووالرك انطباعاتده آرامالی در. روسیهده انسان کندینی دها ضعیف، دها عاجز جس ایدور. بو حسیات ایسه انسانی خزنه، تشکرده، تواضعه و نتیجهده میستییزمه سوق ایدر. اورمانلرده کیچه کچی اسرار انکیزدر؛ بر طاقم خیالاته مکنوندر. باد شمالی اورمانلردن چکرکن بحر تحیطك امواج خروشان کی ایکتیلر، کورولدیلر چیتاریر. دیگر طرفدن مواسمده طوبراغك انطباعاتنه موافقدر. روس سیاسی بو جیتدن روس طوبراغیه حال ائتلفدهدر. شائده. حسیات مذهبه دها قوتایدر. اسپانیادن صرف نظر ایدیلر سه اعتقادات دینهك انک زیاده انک شدته حکمفرما اولدینی لرلر استوچیا ایله روسیهدر. بوراده هرشی، انسانك عوالم مجبوله یه قارشی اولان حسیاتی ایفاظ ایدر واقعا روسیهده نه وولتاملر، نه چیملر وجودیلر، نده ییلازلر، قاپلانلر واردر. اورمانلر ایجریسنده قوردلرله حوالی شماییده آیولر بولونور. لاکن روس قوم خلیه سنه زمینک ویرمکدن امتناع ایله دیکی اغدییهنی مواسم تدارك ایدر مثلاً تیشین اولیه قار فورطنه لر اولور که سما ایله اراض برلشیر؛ بوتون اشباح مشوش برقرار کلق ایچنده غائب اولور. یوللر قاصیرغلر ایچنده آرتق کورونمز. بوزلرك چوزولمه نی متعاقبده فیضانلر باشلار. حادثات صیفه ایسه دها آرمدهش اولمغله اسرار انکیزدر. مثلاً فجر شمالی سمای آتش ایچنده بیراقیر. یانغین ویا قن رنگندیکی انککاساتی مشوم تقالیر میدان ویرر.

بو حادثات طبیعهك فوقده بویوک روسیه عصرلردنبری اوچ بویوک فلاکتك تحت اسارتده قالمش کیدی. بوده روسلرك افکار باطله یه ذتالیزمه میل ایتلرینه باعث اولمشر. بو اوچ بایه قیتلق، امراض ساریه و حریقدر. بغدایچه پك زنکین اولماسی لازم کلن روسیهده اکثریا قیتلق اولویوردی. طوبراقله اقلیم منطقه شمالیه و مرکزیه نی پك آز محصولدار یایمق ایچین صانکه اتحاد ایتملردی. ایلتك بهارده وقوع بولهجق بر تأخیر، پك آز دوام ایدن یاز ائشنسند

تعمیری کماله کمکدن منع ایتمک کافیدی . قسم جنوبی سده بر طرفدن
یاغورلرک انتظام سزنی، دیگر طرفدن قوراللق زراعت ایچین بریلادر .
ایشته بوندن دولای پک اسکی زمانلردنبری هر قومون داخلنده احتیاط
ذخیره انبارلری تأسیس ایدلمشدی . آوروپاده هیچ برملکت قیلتندن
روسیه قدر مضطرب اولامشدر . دیگر طرفدن آسیدن مستویانه کن
امراض مختلفه ساریه به دکل بالکنز انسانلر حیواناتده معروض قالیوردی .
سیریا وباسی بوکون بیله کوبیلرک دهشتی در . امراض ساریه ایله قیلق
عشر لرحه مدت هر نسل اوزرینه هجوم ایدرک روسلرک مزاج اخلاقینه
وثروت وسامانه پک فنا تأثیر ایشدر . بناء علیه روسلر دائماً بر قوه
فوق العاده نك معاونتی استرحامه هر قومدن دهازیاده مجبور اولمشلردر .
روس فکری قاتالیزم ایله مشوعدر . بو، روسک توکلنده، قهرمانلغنده،
اقتیادنده، عصیاننده، مایوسیتنده هپ مند مجدر . بو حالت روحیه اونک
ذوق و مفاسنده ، آکلجه لرنده بیله کورولور ! روسیه نك طبایع اصلیه
شرقیه سندن آک مهمی بی شبهه بو قاتالیزمدر . لاکن عجباً روس کوبیلورلرینک
میم وقابا اعتقاداتی دین نامه لایق شیرمیدر ؛ برچوق روسلره نظراً
روسیه نه دیندار ونده خریستیاندر . اولرله کوره کوبیلونک دینی ظاهری در .
فعلاً روسیه نه حقیقه خریستیان ونده جداً اورتودوکس ایدی . دین ،
انسانلری درجه تریه لرینه کوره یاداخلأ ویا خارجأ ضبط ایدر . واکثریا
خارجدن اجرای نفوذه باشلار . روسیه ده مذهب هرملکتدن زیاده قبابا
قالمشدر ؛ بپترسلرک برچوق اشکالنی کوبیلر آلآن محافظه ایدیورلر .
بوکاده سبب ملته سویه عرفانی، تربیه تاریخیسی ، اخلاق وعاداتی در .
روس تاریخنده جالب نظر دقت اولان شیردن بری ده خریستیانیک روس
اسلاولرینه قولایلقه قبول ایتدیرلمه سی در . انجیل ایله بپترسلک آراسنده
مبارزه پک آز دوام ایتدی : شرک نصرانیک اوکنده برمدت قلیله ظرفده
غلب اولیوردی . حالبوکه بولتقندن زیاده دینده بفا و مکملیت آنجق

مظفریتك مدید مبارزدر نتیجه سنده استحقاقه وابستہ در . بناءً علیہ
قدیم پترستلك مراسمی، الہیہی، رقصلری، نصرایتك قبولندن سوكرده
دوام ایتدی. بوانیت اعتقاد روس كویلو سنی تدقیق ایدنرك بحق نظر
دقلمی جلب آیله مشدر . الیوم روسیه ده پترستلك قومك الہیہلرنده،
ماصلالرنده، غعناتنده، خیالاتنده موجوددر . اوراده عنصر خرسنیانیت
ایله عنصر پترستی یکدیگرینه قاریشیر؛ اوصورتده كه دین ایکی رنگلی بر
نماشه بکزر. برحقو افكار باطله، قوای فوق الطبیعیه، خیالی وجودلر
بو یو یو بررول اوینامقدهدر. اورمالر. كوللر، بطاقلقده بونلرك روس قوہ
مخالیه سنده یاشامالرینه خدمت ایدیور.

روسیه ده شرك بالخاصه سن نیقولا، سن میشل، سن ژورژ سن آندره
کی اعزده طایفده یاشایور . مثلاً جاهل خلقك اعتقادینه كورده حاشا جناب
حق اختیارلدینی زمان مقام الوهیت سن نیقولا كچه جكددر . اوچو جوقلرك،
کیجیلرك، هاجیلرك، ضیق حائده اولانلرك حامیسی در. سبریاده کی اهالی
محلده نیقولانی زراعت ویرا الہی عد ایدر ! وقت حصاده شرفنه
شاكلر یاییلر . روسلر اعزدرلرینك انتقامندن چوق قورقارلر، واونلرك
عزت نفسلری جریحه دار ایتكدن بك زیاده توی ایدرلر؛ حمایتلری
قازانمایه چایشیلر . هرأوك هر اوطه سنده موقع شرف تصاویر اعزده
مخمسدر. قاپودن ایچری کیرن هر روس اول بونلری سلاملار. کندیلری
راحتمز ایده جك برشی یاییلمق ایستندیکی وقت اول امرده رسملرك
یوزلری اورتولوز؛ مثلاً قاحشلر بو صورته حرکت ایدرلر . حضرت
عیسایك واعزده نك او كنده دائماً موم یاقارلر. عمومی وخصوصی هر فلاكت
قارشینده، مثلاً قتلوق یا خسته لقی ظہورنده کویلولر سحر بازلرك علمنه،
بو یو جیلرك تجربه لرینه مراجعت آیلرلر . بعض کویلرده کویلو، تارلاسی
پایاسه تقدیس ایتدیردكدن سوكرده بو یو جی یه ده آبریمجه استعاذه دعاسی اوقوتور.
سبریانك بعض نقعلرنده سحر بازلر کویلری امراض ساریه یه قارسی حمایه

ایک ایچین زوانلی جاغل زراعدن عشر آلیرلر . حتی نواحی مجالسند
انسانی مذا کرده سحر بازک علمنه مراجعت ایدلرکی بیله واقعدر! خستاق
زماننده بیچاره کویلرلر اویله غریب تدبیرلر اتخاذ ایدرلرکه انسان حیرتلی
ایچنده قالیر . مثلاً قولهرانک تمالی اولمق اوزره یایلان برتصویری رهایین
الای ایله سوفاقلرده کزیدردکدن صوکره کلیسایه کوتوروب آیینی متعاقب
یا تارلر! کلیسا بترساکدن زیاده بویوجلیکله اوغراشمشدن . لکن عصرلرجه
دوام ایدن بو مبارزه نتیجه سنده کلیسا خصمنه غلبه ایدمه دی . برحق
کویلویه نظراً جناب حق - حاشا - اک بویوک بر سحر بازدر . روس
کویلوسی دینک اساندن زیاده رسوم مذهبییه مربوطدر .

بویله بر دینک جاهلانه اولمقله برابرینه بر مذهب و بر نوع خریستیانلقدردر .
اویله بر خریستیانیت که حقیقت حائده ایکی قطعه ده کی اقوامک خریستیانلقدن
پاکده اشانغی برشی دکلدردر . غربده دین عیسایی صورت تلقی عمومیتله
علوی اولمقله برابر او هر زمان بویله دکلدی . عجیب روس ملتی تلقیات
ساده دلانه سندن ؛ یا خود تطبیقات طفلانه سندن دولانی می خریستیان نامی
طاشمق حتی حائر دکل ؟ خایر! او ، یانکیز رسوم مذهبییه مربوطیتی
اعتباریله دکل فکرآ ، روحآده خریستیاندر . بوتون جهانلری ، قباقلری
ایله قارارن روس خریستیانلقدن آراسندن حیات دینییه بوتون اصائی
ایله لمعه پاشدر . بونیم بترسلک آلتنده دایما خریستیانیت موجوددر .
مثلاً مرجع ، تواضع ، توکل ، مجاهده ، فدا کارلق کی حضائل هر زمان
موجوددر

حضرت عیسایک نظریه سنی ، کلیسایک عقایدنی بیلیمکه برابر کویلی
اخلاق خریستیانییه پک اعلا بیلیر . اودها شیمیدین بر روح خریستیانیت
مالکدر ، صلیبی دکل یالکیز بوننده قابنده طاشیمقله ده نموندن .
روس الم واضطرابک قیمتی واونک فضیلتی بیلیمکه کندینی بختیار
عد ایدر . حقیقت ایچین او نیت چکیمکه ، ظلم آلتنده ایکله مکه . قربان

اولغه تشنه در . بو نوع حیات روس ادبیات دده کورولور .
 حکایه نویسان هر شیدن زیاده استراحت قلب ، روح و وجدانه اشتغال
 ایدرلر ، اوزار دائما معمای موجودیت و مقتدرات بشر اسراری ایله نالان
 و اندیشه نا کدرلر . ملتدن ، طور اقدن ، ادیان ، حاصلی صنوف جمعیت
 هر برندن بر بخار مذهبی انتشار ایدیور .

آوروپاده اولدینی کبی احتمالکه روسیه دده بردها عودت ایتمک
 اوزره وحدت دینه دوردهسی کچمشد . آرتق دین اورادده بوتون قلبلری
 کندینه بندایدیمور ؛ بوتون ذکتری عینی لوائی قدسیت آلتده طو نامیور .
 بویوک پتروندن اعتباراً باشلایان انانیت قومی ایکیه بولمشد . روسلرک
 قسم اعظمی دینک تحت نفوذ دده قالدینی حالمه شیمدی بر قسمی ، اونک ربقة
 اسازتندن کندیلارینی قور تاردقلری کچل افتخار ایله ادعا ایدیورلر .
 بوتقطه دن صنوف منوره ایله کتله ناس ظن اولونورکه ازمنه مختلفه یه
 منسوب صانکه باشقه باشقه آدملر در . بر قسمی هنوز اون دردنجی ویا
 اون بشنجی عصرده بولونماسنه مقابل دیگر قسمی اون سکرنجی عصرده ،
 اختلال کیردن اول فراسده حکمفرما اولان اعتقاد سزاق دورده سنده در .
 زمانمزدده پترسبورغ صالونلرنده اون سکرنجی عصر فیلسوفلری و قیله
 ایکنجی قاهره نیانک معاصرینی نزدنده مظهر اولدقلری توجهاته تصادف
 ایدمیلرلر . معمایه صنوف منوره دده دینک یرینه سبتیزم ویا باشقه
 خیالات کچمش و میستیزم دیگر شکللر اکتساب ایشمدر . روسیه ده
 محور مذهبی تبدیل موقع ایلمش ، خریستان دینک نقطه استنادی
 دویمشد . بالخاصه فرانسه وانکلترده دین صنوف سفلیه مشکوک
 کورونمکه باشلادیقندن طبقه بالایه اتجا ایشمدر . حال بوکه روسارده
 بالعکس اعتقادات خریستیانیه آشاغیدن یوقارییه دوغرو تناقص ایدیور .
 آشاغی طبقه ده ، کوبلیده ، تاجرده حتی عملده ایمان ؛ یوقاری صنفده
 ایسه شرک یا خود لاقیدی . بوباشقه ای هر شیدن اول حال اجتماعی به و ماضی

تاریخی به نائدر . لاکن کیتدکجه کسب اهمیت ایدن اختلال اجتماعی به قارشی برحائل اولقی اوزره صنوف عالیله دده دینه دوغرو برتوجه، برتایل مشهوردر .

روسلرک برچوغی قله ریقاییزمک روسیه دده اولامیه جغنی سوبلرلر .
اولا اوراده کلیسا ایله دولت یکدیگرینه اوقدر محرمانه و مسیانه مربوطه طدرکه کلیسانک فعالیتی هیچ برزمان دولته قارشی و دولتک ضررینه دکدر . نایاً رهبان قاتولیک مملکتلرده کی کچی عینی نفوذ و اقتداره مالکیتدن چوق اوزاقدرد . روسیه دده کی پاپاسلر اهالیدن تماماً آیری باشلی برصنف مخصوص تشکیل ایدرلر . صنوف ساثره ایله اونلرک مناسبتی پک آزاوا یغندن بانطبع نفوذلری ده هیچ حکمنده در . زادکن و دولت نظرند کلیسا چوق زمان کوبولورک کلیسای و رهبان ده کوبولورک پاپاسلرک حکمنده ایدی .
روس کلیسای آورواده هیچ برکلیسانک مستفید اولمادیفی حقوق و امتیازاتی محاطه ایشدر . روسیه قدر هیچ بریده قوه روحانیه ایله جهانیه آراسته اودرجه ضیق بر اتحاد یوقدر . دین هیچ بریده اوقدر حمایه ایدله مشدر .
کلیسا و دولت بیتدده کی بوصیمیه باعث اسابدن بری دینک روسیه دده تماماً ملی قلماسی در . بناء عایه دینسزلر محافظنده بیله کلیسا پک آز برخس قدرت تولید ایدر . کلیسایه نادرآ تعرض اولونور . روس کلیسای اولادلرندن بعضیلرینک کندیته قارشی اعتقاد و ایمانلری غائب ایتکله برابر توجهلری غی عمومیت اعتباریله محافظه ایدیور . کلیسا روسلر ایچین هرشیدن مقدم بر مؤسسه ملیه در . او یالکز قومی و روسیه نی تشکیله یازدیم ایتکله قالمش .
بوکون بیله جمعیتک اساسندن بری در . چونکه دینک ملیت مقامه قائم اوله رق اونکله قاریشدینی صفحه دن روسیه هنوز چقما مشدر کتله ناس ، صنوف منوره و حتی حکومت نظرند بیله حقیقی روسلر انحقق اورتودو قسلردر .
کوبلی ایچین روسلق ایله اوتودو قسلق الفاظ مترادفه دندر . کوبلی ملیتک یرینه دینی قویار و روسلرک روحنی تحریک ایچین دینه دوقوه ایدر .

ایشته بونک ایچین روسلری شرقه دوغرو محاربه یه سوق ایدن رجال
سیاسیه دایما دینی آلت اولدوق قوللانمیلردر : چونکه مسلمانلرک قهر
وتضیقنده ایکله دگاری سویلین اورتودوقلرد قارش کتله ناسک تلی شدتله
ضربان ایدر . جاعل خاقی قاتدیروب سوروکلهمک ایچین یاظم واسارتدن
قوزتاریله جق اورتودوقلردن ، ویا آیا صوفیه قهسه قوناجق صلیدن بحث
ایتملی در . احتراصات جنکورانیه ایقظ ایچین عسکر بوروسندن زیاده
موسقوادده کی اوچیوز کلیساک ناقوسی چالما لی در . اسکی صلیب حیاتی
هنوز روح ملتده سونمه مشدر . دین ایله ملیت آراسنده کی رابطه یی
عصر لردنبری تاریخ وجوده کتیر مشدر . بوتقطندن روسیه اسپانیایی تخطر
ابتدیرر . یالکز شو فرق ایله که بوتون مبارزات مالیه سی ، بوتون محاربات
سیاسیه سی شرتده اولدینی کچی غربده ده نظر ملتده محاربات مذهبی دن
عبارتدر . او ، دایما مرتدلرله ، مسلمانلرله محاربه اتمشدر . دشمنی
دایما آلهلنک دشمنی ایدی . روس اتحادی تأسیس ایدن اوتوقراسی قدرده
اورتودوقلدر . او ، وجدان ملی یی یوقدن خلق ایدرک محافظه یه
چالیم مشدر . بناء علیه اسلاو و قیللر ملی کلیساک شناخوانیدر . هر وطنپرور
ایچین کلیساک ایتدیکی خدماتی تصدیق آیلهمک ضروریدر . روسلرله
شرق آراسنده موجود اولان یگانه رابطه ده اورتودوقوسلق در .

دولتک مقدراتی - داخلاً و خارجاً - کلیساک مقدراتنه مربوط
کییدی . بوجسته دین ، روس ملتینک برنجی عاملی اولدقدن باشقه عظمت
وشوکتک دهرنجی عنصری ایدی . بو کیفیت روریقو و یچلرله اسکی چارلر
زماننده ناصیله شیمدی ده اوله در . زمانزده ده دین روسیه ده ایمراطورلنک
تمل طاشیدر . بوتون اوتوقراتیک دولت بونک اوزرینه استناد ایدیور
روسیه یالکز بر مملکت خرسیتانیه دکل بر چوق جهاتدن بر دولت
خرسیتانیه در . روسیه ناک اسکی قانونلری جاری اکثریا خرسیتیان ایمراطور
اسمی آلتنده یاد ایدرلر و بو عنوانله چارک بی پایان بر حکم ونفوذ مالکیتی

قبول ایدرلر . کویلیک نظر نده چاره ، الیولک یر یوز نده وکیلی در . خلق اینچین اوتوقراسنیک عهده سی و حقوقی بور اده در . کویلی چاره بوندن دولای پرستش ایدر . اولک اوکنده سجده ایتمه سی ، کوردیکی وقت خاچ چیقار ماسی . هپ حکمداره بر منبع الوهیت اسناد ایتمه سندن منبعدر . خنقک قسم اعظمی حریات سیاسییه پک آزامیت ویرر . چونکه الله نامه اداره حکومت آیدین چاره قارشی متاومه جسارت ایتک بر نوع کثر عد ایدلزمی ؟ حکومتی اقتیادی سن پول امر ایتمورمی ؟ اطاعت و خضوع فضائل خرسناییه نک ابتداسی دکلیدر ؟

آغلیقان کلیسای کبی روس کلیسای ده بر ملی کلیسادر ؛ نه کیم و قتیله فرانسه نک اسکی غالیقان کلیسای ده بویله ایدی . روما ایله قطع مناسبت ایتدیکی تاریشنده شرق اورتودوکس کلیسای منسوبینی احتمالک یکرمی میلیون ایکن بوکون تقریباً یوز اون میایون اولوب طقسانی روس تبعه بی در . متباقی قالان مقدار دن نصفدن زیاده سی ده تورکیه ده ، بالقانلر ده . آوستریا و مجارستانده توطن ایدن اسکی اسلاولردن مر کبدر . اسانده تماماً یونانی اولان اورتودوکس کلیسای شیمدی کیت اعتباریله اسلاولر ده کچمشدر . قاتوایکک و پروتستانلق کبی اورتودوکسلاک ده اقوام مختلفه ده اصدفاسی واردر . آوروپا قطعه سنده یونانیلر ، رومانیلر ، اسلاولر ، آرنائوودلر ، فینوآلر ؛ آسیانک مدخلنده کورجیلر ، سیریانک قباکچنده تورک ویا مونغول منشاندن ملل مختلفه ؛ مصر ده عربلر و سمیتلر حتی شمالی آمریقا ده بیله دونه لره مالکدر . روسلر ، آلاستانی حکومتات متحده یه ترک ایدرکن برده اورتودوکس برپسقبوس بر ایشلدر . روسلر سایه سنده شرق کلیسانک چینده ، ژاپونیا ده میسیونلری واردر . مثلاً توکیو ده بر روس پسقبوسی اقامت ایدر . و بونک زیر ادره سنده ده بر چوقی پاپاسلر موجوددر .

وقتیله بیزانس کبی روسیه ده ده کلیسانک مضطرب اولدینی خسته لئولرک

سہی دینی اولتندن زیادہ بلکہ سیاسیدر . اور تودوقسملق اولایا بیرانس
استبدادینک ایلاک قربانی اولدی وایکی کلیسانک انفکاک کی شرقی غربدن
تفریق ایدرک قتالنی بوس بوتون آرتدیزدی غربده قلاسیق عنصرلرله
عنصر وحشیہ پک کوزل امتزاج ایدرک یکدیگریله قاینامشدی . انفراد
جغرافی ، انفراد مذہبی ایله دها زیادہ وخامت کسب ایتدی . بالخاصہ
بوندن ، قرون وسطانک عائیہ عظیمہ خرسیتیانیہ سی ایله قطع مناسبتدن
دولانی ، روسلر ، بولغارلر ، صربلر کندی باشلرینہ ترک ایدملکله آسیادن
کلن اقوامک آلتندہ ازلدیلر . وانکشاف میلیری عصر لرحہ مدت دوچار
انقطاع اولدی . یونان-روس کلیسانک لاتین کلیسانہ قارشی دها دون
برمرتبہده قالماسی عقیدہ سندن ، انضباطندن ، رسوم مذہبیہ سندن متولد
برشی دکلدز ؛ غربدن انفکاک کندن ناشی در . دیگر طرفدن روماقاتولیکلکی
ایله اورتودوقسملق مقابله ایدلرکی زمان اوینادقلری وظیفہ تاریخیہ نک
باشقلغنی ده قسماً عادات وعناتک اختلافی ایضاح ایدر . بوایکی کلیسانک
جمیعت اوستندہ کی تاثیرات مختلفہ سی آزارندہ کی فرقلر تعین آیلر .
وبورادہ کی تاثیراتدن مقصد منر دینی دکل فکری ، اجتماعی و سیاسیدر . بو
نقطہ دن ظاہراً حیات عمومیہ بہ بیکانہ دوران اعتقادک ، اخلاق وعادات ،
حیات اقوام اوزرندہ بر تاثیر خفیی واردر .

لاتینلر طرفندن بعض عقائدک اعلانی اوزرینہ یونانیلرک ہر نوع
عقیدہ جدیدہ نک قبولی رد ایتمہ لری پک وخیم بر حادثہ در . بو مخالفت
بزہ کلیسانک رولی ایله طرز رفتار خرسیتیانیت حقتندہ مختلف بر صورت
تلقی افشا ایدر . قاتولیکلر ایچین تعریفات ، نظریات مذہبیہ دورہ سی دالما
آچیتدر . اورتودوقسلر ، ایچین ایسہ بو ، چوقدن مسدوددر . رومالیه
استنبولک قطع مناسبتدن مقدم طوپالانان بویوک قونسیلرکده مذہبہ بر
شی علاوہ ایتمک حقلری یوقدی . ایستہ بوصورتله افکار جدیدہ ترقینک
تہ تلوژی بہ تطبیقی اورتودوقس کلیسامی رد ایلمشدر . او ، نہ برشی علاوہ

ونده برشی قوپارمق ایستر . بوتقته دن اورتودوقساق قاتولیکلک قدر پروتستانلقدن ده اوزا قدر . شرق کلیسایی نظر نده مبنای مذهبی عصرلردن بری اکمال ایدلمش اولدیغدن آرتق اوکا نه برطاش علاودونده برطاشی چیقاریله بیلیر . بو اختلافک ایسه نئایمینی پک مهمدر . شرق کلیسا سنده نه احد قانک وجدانی ، نده رجال دولتک دوران تشکیلی تنقائد جدیدیه قرار ویرمک احتمالیله اشتغال ایدمزلر . اعتقاد و ایمانک حدودلری قطعاً معیندر ؛ بوجهندن عمومی و خصوصی اندیشه لر ایچین ناسب ونده بهانه واردر . شرق کلیسایی عقیده سنک ایچنده دونوب قلماسی هراث شبانک نابهمک صولوماسندن منبعدر . بوندن باشقه لاتینلره روملر بیتده خریستان عقیده سنک طرز تلقینسده حائر اهمیت بر فرق واردر . بوده اقتدار رهبانیتی تنسیق خصوصنده در . اورتودوقساقده اوکند بر سرفروی تعظیم ایله اکیله جک ذی حیات بره اوتوریتیه ، اصلاً یوقدر . او ، کلیسانک رئیس اولان حضرت عیسانک مقامنده بر وکیل طایماز . وهیچ بر رئیس روحانی کلیسا نامه خود بخود اداره لسان آیانه مز . اوراده کلیسانک مشترک اوتوریتیه سی پاپانک شخصی لایخطیلکی یرینه قئمدر . روسلر دیورلرکه وجدانمز ، فکر مز لاتینلردن ده سربستدر . پترسبورغده کی سن سینودک یاخود استانبولده کی پاتریقلکک انجق محلی بر قیمت و اعمیتی واردر . هر ایکسی ده لایخطیلک دعواسنده بولونماز . قه لونی جبراً تحت اطاعته آلان ولانمنی کلیسادن چیقمایه مجبور ایدن سانسورلرده یوقدر .

انکلتزده اولدینی کچی روسیه ده ده دینک مبهم زمینلرند بر حریت حرکتی بر جوق روسلر بکنیه زک استفاد ایدمک یرده مضطرب اولویورلر . چونکه اوپله روحلر واردر که شبه و تردد اندیشه لرندن کندی لریخی آسریه جک بر اوتوریتیه استناد ایتک احتیاجنی حس ایدرلر . اونلره متین بر زمین لازمدر . بونوع کیمسلر ایچین پاپانک لایخطیلکی بر مقتطیسدر روس رهبانی هر مسأله حقیقه آباء کنیسییه مراجعت ایدرلر ؛ و هر

شیئی تعریف، هر شیئی انتظام آلتہ آتی ایستہ مندن ناشی روما کلیسایی ده تعیب ایلرلر . اورتودوقسقلندہ لایخطایک ایله محاط بر رئیس اولامسی کلیسایک بنای خارجیندن زیاده اقوام و حکومتہ قارشی موقعی اعتباریله مهمدر . بر رئیس علویدن محروم قلان شرق اورتودوقسقلنی بر حاکمیت مستقلہ تحریرنه اصلا مجبور دکلدیر ؛ بین الملل بر پایتختہ ، بر شهر مقدسہ مالکیت احتیاجنی ده حس ایتمز . شرق ، پاپالقی ایله حکومت غریبه بیندہ کی مبارزلردن متوندیر . یالکز قره طاغ چوق مدت ولادیتالری ، عمجه دن یکنه انتقال ایدن پستپوسلری معرفتیه اداره ایدلدی . تورکلره قارشی اولان محاریات متوالیه د قره طاغیلر پستپوسلرینک اطرافندہ طویلانشلردی . دیمک بوراده قوہ زو حانیه ایله قوہ جہانیه یالکز بر شخصک آندہ ایدی . ۱۸۵۱ ده دانیلو ، حکومت ملیه یی کندیسی ایچین آلیقویهرق پستپوسانی تیزه زاده لرندن برسنه ویردی . ایشته شرق کلیسای بر حکمدازی ، بر پایتختی اولامسندن دولای روما کی طریق مرکزیت و یکنسقلده یوروپه جاک یرده عدم مرکزیتہ ، تنوعه میل ایتمک مجبور اولدی . هیچ بر محلی کلیسایک دیگر کلیسالرہ عاداتی ، لسانی قبول ایتمه لری ایچین اجبار ایتمک حق یوقدی . شرقده کلیسالر ملی و مستقل صورتده تأسه مجبور دی . استانبول پاتریتنک سائر اورتودوقس پاتریترینه تقدم ایتمه سی حقیقت حالده یترانس ایمپراطورلرینک حکم و تفویضه مستندی . ایلک دفعه روس کلیسای فنار پاتریقخانہ سنه قارشی اعلان استقلال ایتدی ؛ بالا آخره بوطرز حرکتی یونان ، رومانیای ، صربستان ده تعقیب و تطبیق آیلهدیلر . پاتریتنک باب عالییه مربوطیتی استانبول متبوعیت روحانیه سی آتقی ایچین وسیله انخاداولوندی . و بر زمان صوکره فنار پاتریقکلنک اعتباری بر تقدیمی ، فخری بر ریاستندن باشقه بر شیئی قالمیه جقدر . التحاق ارضی بی دینده تعقیب ایدر . کرستان ایله بسارایانک روسیه یه کچمسی اوزرینه بورالری ده روس کلیسایک حق قضای آلتہ کیردی . بولغارلرده دولت عثمانیه دن انفکاک بر مقدمه اولتی

اوزرہ اول امر دہ حائر امتیاز بر بولغار کلیسائی یا بمق ایستہ دیلر . فنار بالطبع
 مساعی عصریہ سنہ برضریہ ایندیرن بو آرزوی ملی بی بوتون قواسیلہ رد ایستی .
 اُسکی بولغار مترہ پولیدلکنک دھا تہدید آمیز بر شکل آلتندہ تولدینہ
 البتہ موافقت ایدہ مزدی . بولغار کلیسائیک حدود نی تعین ایتمک بو ،
 شیمیدن « عثمانیلرک میراشندن ! » اسلاو و یونانیلرک حصہ سی تقریق
 آیلہمک دیمکدی . یونان منافع ملیہنک خادم وفاکاری اولان فنار باطر-
 یق خانہ سی ایستہ بویلہ بر تقیسی قبول ایتمہرک عصیان ایدن اسلاولری
 تکفیر ایستی . باطریق ایلہ سینودوس مجلسی بولغار مدعیاتنک کلیسا
 قوانینہ منایر اولدینقی سویلہ دیلر . روملرہ نظراً دواثر روحانیہ دواثر
 سیاسیہ کورہدر ؛ بناءً علیہ بردولت داخانہ آتبحق بر اورتودوقس
 کلیسائی اولایلیر . بو ، تفرقہ مذہبیہ دن زیادہ بر تفرقہ سیاسیہ ماہیتی
 حائر واسانندہ موضعی و موقدر . روس کلیسایلہ ہمیشہ لری اتحاد عقائدہ
 مالکدزلر . آزارندہ کی رابطہ روما کبی صبق دکلدر ؛ کوچوک و بویوک
 همان ہبی کنڈی طرز ادارہ سی ، رسومی ، لسانی محافظہ ایدر . روما
 کلیساندہ کی اطاعتندہ اتحاد دستوری مقانہ اورتودوقس کلیساندہ
 استقلالہ اتحاد ، قائم اولمشدر . شرق کلیسانی منفرد بر حکومت روحانیہ
 تابع طو تابیلیمک ایچین اولاشرقندہ بر اتحاد سیاسی وجودہ کتیمہ لی در ؛
 مثلاً فرض محال اولہرق بوتون اورتودوقس ملتہری روسیہ یکہ ملی در . بوایسہ
 قابل اجرا برشی دکلدر . اورتودوقسلقدہ عقیدہ نک لایستغیر اولماسی سایہ
 سندہ در کہ اتحاد تأمین ایدیلبور ؛ یوقسہ ییزانس باطریق حال حاضر دہ
 حقیقہ " اوکومہ تیک " عمومیہ بر مقام عدایدیہ من .

ملی اورتودوقس کلیسائی تاسنک ایلاک نتیجہ سی حکومت ملکیتنک
 بو کلیسالرہ مداخلہ ایتمہ نہ باعث اولمشدر . بو کیفیت بوتون اورتودوقس
 مملکتلردہ بر حادثہ عمومیہ در . بوقطہ دن روسیہ نک موقعی عینی مذہبہ
 منسوب مملکتلردن هیچ فرق لی دکلدر . یالکز اورادہ حکومت دھا

قوتی و بناءً عليه كندیسنی کلیسیایه باغلایان رابطه دها صیقیدر. دین محیط
سیاسیدن تخرید ایدد مز. روسیه ده مرشی کبی دین دده محیطك تحت تأثیر نده در.
ذاتاً ییزانس کلیسانك مقدراتی کریمه سنك ده ناصیل بر استقبالی اوله جغتی
کوسته زیبوردی. بعض کیسه لرد کورد کلیسا و مذهبك حکومت ملکیه به
انقیاد و مربوطیتی حریت سیاسیه و حریت فکریه ایچین بر تأمینات کیدر.
حال بوکه تاریخ بزه بونك عکسنی اثبات ایدبور. ایسته ییزانس و روسیه.
ییزانس کبی مستقوا دده شرق کلیسانك استبداد سیاسی به یار دیم اجتماعیه
دولته قارشی اولان تابعیتدن متولددر. چونکه کلیسانك حکومت ملکیه
ایله مبارزه ایدد بیله جك قوتی یوقدر. بوکا مقابل غریبه قاتوليك کلیسانك
اقتداری حریات فکریه و سیاسیه به، تبعه نك حقوقه قارشی گنیش و آچیق
یرمیدان بر افشدر. شرقده ایسه حکومت ملکیه کندیسه قارشی کله جك
حیج بر خصصه تصادف ایدد دیکندن استبدادی زحمتسزجه تریید ایتشدر.
حکومت ملکیه حکومت روحانیه اوزرینه استناد ایدد نك ارواح و اجادی
دها آثیر بر صورتده تنذیق ایدبوردی. بونقل متناعنی قالدیر مق ایچین
فوق البشر قوتلر لازمدی. قوه جانیله ایل قوه روحانیه بر برینه اودرجه
قاریشمدی که اراده حکمداری بر امر الهی کبی تلقی ایدیلور: کلیسانك
افعال و اجرا آتی ده حکمدارك بوتون حکم و تفویذیه کسب قوت ایدیبوردی.
ایسته بو تقاضدن بحق دینه بیلیر که وقتیلد ییزانس ایمراطور لغده ناصل
اولمشه مستقوا دده دین اوتوقراسی بی تأسیس ایتمه مکه برابر اونی ممکن
الاجرا بر حانه صوقشدر. قاتوليك بر مملکتده، خارجدد بر رئیس مستقله
حاکم و بر سلسله مراتبه تابع دین ایله اوتوقراسی نه دوغار و نه ده دوام
ایدد بیایدی. کلیسا از ایدکجه بوکا مانع اولبوردی. قاتوليكلك اقایینه رغماً
لیبرالدر. چونکه دولتك اقتدار و تفویذیه بر حدتین ایدبور.

ملی کلیسالد عطف ایدیلان متناعک هپی روسیه ده حصوله کلدی؛
ایکی قوتك اثنالافی سایه سنده قوتك وحدت اخلاقیسی محافظه ایدلدی.

بویوک بحر ان تاریخچیلرده کلیساک معاوتی سایه‌سندۀ دوتنک قوتی ایکی قات اولدی. لکن دولت اجرای حکومت ایچین، خلقی ربقۀ اسارتندۀ طومق ایچین مذهبی بر واسطه کی قوللاندی. و بو صورتله پاپاسلر اکثریا بر مأمور صفتی اکتساب ایتدیلر. حکومت جمانیه کلیسانی پیدری دائرة روحانیه‌سندن چیقارمایه چالیشدی. کلیساک رولی منفعت دولت نامۀ تناقص ایتدیکی حالده دین و ملتک ضرر حقیقۀ قارشیدۀ تراید ایلدی. دولتله کلیساک بوکل اختصاصی شرک درد اصلیندن بری اولدی. ملتک عرفان و ذکشی دهشتی بر تضیق آتدۀ بوغولدی. اختیار روسلر آوروپادن و پادن قاجار کی فرار ایدیورلردی. بونلرک قسم اعظمی ایچین آوروپایه سیاحت روحی تملکده قویان کنه کبائر دن بری ایدی. اورتودوقسلیق، روسیه‌نک یا لکتر شرق ایله مناسبتده بولونمائه ماعددی. لکن هیچ بر زمان روما کلیساک بوتون قاتولیک اقوامی در اغوشی کی محرم، صمیمی روابط اورتودوقس کلیسانده وجود بولمادی. بونکده سبی مشترک بر چوبانک، مشترک بر لسانک مقتودیتی در.

قرون وسطانک دوام ایتدیکی مدتده مدنیت جدیدنک انکشافی تسهیل ایدن عواملین بری ده بین الملل قوللانیلان بر لسان مذهبینک موجودیتی در. بو، شرقده یوقدی. یونان کلیسایی مرقومه اجدادینک لسانی بر اقصی. اوتجی عصرک اواخرنده، خرسینیایی قبول ایتدنکری تاریخدن اعتباراً روسلر «اسلاوون» لسانیه عبادت ایتدک باشلادیلر. حال بوکده بودیل اسلاو لسانلرینک بابایی دکادر. فقط لاتینجه بوتون لاتین لسانلرینک باباسیدر. لاتینجه سایه‌سندۀ، فرانسه، آلمانیا، ایتالیه، اسپانیا اون ایکنجی ویا اون اوچنجی عصر دنبری بر ادبیات ملیه مالک اولدقلری حالده روس کلیسایی، اسلاوونی کولکشی آتدۀ برشینک یتیمنه مساعدۀ ایتیوردی. بوندن ماعدا باشقه بر فالتی، روسیه‌نک مرض تاریخچینی اولان انفرادی ده بوس بوتون تربید ایتدی، غربی،

شرقتن تفریق ایدن شی یا لکزر مسافه دن عبارت دکلدر؛ زمانه روسیه نی
تلاسیک لدنیاتنه بیکانه براقشدر . حاصلی اسلاوونجه روسیه نك انفرادینه
خدمت آیه مشدر : ادبیات و تاریخدن محروم اولان اسلاوونجه ، مقامه
کچدیکی یونان و لاتینجه کبی ازمنه قدیمه عالمی روسلره کشاد ایدمه مشدر .
اسلاوونجه نك استعمالی اسلاو رهبانك قاتولیک رهباننه نسبتله آشاخی
بر مرتبه ده قلمالرینده سبب اولدی . چونکه اسلاوونجه خریستان وعینی
زمانده ده قلاسیک منابعدن پك اوزاقدی . مثلاً وقتیه لاتینجه نك یرینه
غوتیک قائم اولسه یدی بی شبهه عالم خریستانیت بویوزدن عصر لرله کریده
قلیردی . لوتر لاتینجه نی معابدن آتمزدن اول لاتینجه آلمانی
ردنه سانه ورده فورمایه حاضر اشدی .

بوکا مقابل اسلاوونجه نك کیساده حکمرانی روسیه ایچین بر فائده ملیه
وسایه نی موجب اولدی . بولسان اورتودوکس اسلاو اقوامی باینده بر
رابطه اتحاد ایدی . اگر روسیه ده یونانجه قولانیلمش اوله یدی بی شبهه
پانسلویرزم فکری وجوده کلمیه جکدی . خلاصه بولسان اورتودوکسلیق
ایله برلکده روس قومیتك عوامندن بریدر . واسلاوونجه روسلاشدریمق
ایچین مکمل بر آلت اولدی . سکر عصر کچدیکی حائده ینه بویله در .
یونان لیتوریانی ترجمه ایدرک بوقایده خنصرص بر اثنا اختراع ایتدکاری
زمانه اورتودوکسیرل بیلیمکسزین احتمالده اسنی بیه طایفادقلری بر قومك
عظمتنه چالیشورلردی .

کیسانك وحدتی ، اوتوریتیه نی صورت تلقینی ، عقیده نك خریت
تفسیری ، رهبانك تشکیلات و انضباطی ، طرز حکومتی و اداره سی ،
دولت و اصد قایله مناسبانی ، خریستانانك صفحه معنویه و سیاسیه سیله
اورتودوکسلیق ، رومادن و رومانان آریلان کلیسالردن فرقلیدر . لوتر
مذهبی ایله اورتودوکس دینی آراسنده ده فرق عظیم واردر . اورتودوکسلیق
عصر لرجه مدت غنائی ایچنده اویوشش قشکن قاتولیکلر ، پروتستانلر

اقوملاری تو سیح ایدیورلردی. بونلردن بری یمنه ، حکومت و مرکزیتہ دوغرو حرکت دیکریدہ جهت یسارہ ، حریت تدقیق و شخصایتہ متوجهیدی. بوانندہ اورتودوقس پاپاسلری برقایانک اوستدہ کی کلیسارینک حرکتسزلکی اوزرینہ دایانہ نرق مرحلتہ مزوج بر کبر وعظمتہ غریک مناقشات مذہبیہ سی تماشایدیورلردی. بالخاصہ آنغلیقان کلیسانلہ روس کلیسای بیتندہ حصول ائتلاف ایجین برچوق تشبثات وقوع بولدی . اون آلتجی عصردن اعتباراً پوتہ ریبہ نلر بونک ایجین استانبول باطریقہ مراجعت ایتدیلر. نبقولا زمانندہ اوقسغورد الہیات علماسندن باطہر روسیہ کلہرک روس کلیسانی اوزون اوزادیہ تدقیق ایتدی ، لاکن بوتون بو تشبثلردن هیچ بر نمرہ حصولہ کلہدی . نیتہ کیم اسویجرہ و آلمانیاک اختیار قتولیکلری دہ بر شیدہ موفق اولامادیلر .

ابتدائی کلیسایلردہ کی عادتہ توفیقاً روسلر آباق اوستندہ عبادت ایدرلر . ہلہ کوبلی بوتون اعضاییلہ عبادت ایلر . خاچ چیقاریر ، آکیلیر، قنمار و بویلہ برچوق اوضاع و حرکات مختلفہ دہ بولونور. شرق کلیسانی بوتون او اسکی آیین و مراسمی محافظہ ایدرک اولردہ بر شی عداوہ ایتہ مش وکنجشکم احتیاجی اصلا حس ایلہ مشدر . اورتودوقس مذہبی تطبیقاتندہ ادعیہ مندہ حاصلی ہرشدندہ کافیہ تجدداتہ مسدوددر . مذہب دہا سادہ بر حالندہ قانشدر : قتولیکلرک بر چوق مراسم دینیہ سی اورتودوقسارک منجہولی در. اولردہ قاتولیک کلیسارینک برتیا و صحنہ نہ بکزدین حالی یوقدر . بر نوع زعد و خشونت واردر . دیگر طرفدن روس کلیسانی لاتین کلیسانی قدر صنعتک ترقیندہ چالیشامشدر . واقعا اورتودوقسلرک صنایع نفیہ نی محکوم ایتہ مشدہ اونی پک صیتی بر تابیت آتہ تویمشدر. صنعت لاتین کلیسانی کبی شیاریق برچوجوق معاملہ سی پایمہرق اونی بر خدمتکار، براسیر کبی تلقی ایلہ مشدر: بترستک قورقوسندن دائماً محترزانہ حرکت ایتشدر . یزانس کلیسانک جدأ تفوق

ایتدیکي شعبه معماریدر روس دهاسی آنجق ملی بعض بویوکلکیر کوسر مشدر .
 معمایه روس اسلوبی فرانسهک غوثیک اسلوبی ویا ییزانس اسلوبی ایله
 قابل قیاس دیکدر . شرق کیسانک برآز سربست بر اقدینی یکانه صنعت
 معماریدر . بوسایده روس آبادانی میدانه چیقاییلدی . رسم ، موسیقی دار
 حدودلر اینجده محبوس ویا آغیر زنجیرلرله باغلی ایدی . هیکل تراشی ایسه
 خلقی بتپرست ایدر ملاحظه سیله کیساندن مطروددی . لاکن کیسانک
 بوتون تدابیر احتیاطیه نه رغماً روسلر « ایتون » لره قارشی
 بسله دکلری حس پرستش و اعتمادی محافظه آیه مشدر : بنوع تصاویرک
 اوکنده موم یا قلیبر ؛ خاچ چیتاریلیر ؛ آلی آیانغی اوپولور . بعض ایتونلر
 یک قدیم اولوب تاریخچه لری و کندیلرینه عطف ایدیلن معجزاتی
 وازدر ؛ روسلر هر محاربه ده برابرلرنده مقدس بعض ایتونلر
 تاثیرلر . ملی بحر ایلرنده ده مشهور ایتونلرندن استمداد ایدرلر . بوتساور
 بر زمان رهبانک سانوزی آلتنده ایدی . اقتدار صنعتکارانندن ماعدا
 حضرت عیسا و مریمی تصویر ایده جک آللرک پاک و طاهر اولماسی ده
 لازمدی . زمانزده بیله ایتون بیع و شراستندن موسویرلرک منعی طلب
 ایدلدی ؛ موسیقی به کلنجه او ، رسمدن دها آز هدف تضییق اولشدر ؛
 ییزاندن اقتباسیله اکثفا ایتیه رک دینی نغمه دن ملی بر صنعت وجوده
 کتیر مشدر . فقط اورتودوکس کلیسای حرد و ثنای ابدی ایچین موسیقی
 مقدسه الهیدن باشقه هیچ برشی ، صدای بشردن ماعدا بر موسیقی آنتی
 قبول ایتز . شوراسی غریبدرک پاپانک اشتراک ایتدیکي آیلنردوده
 صوت انسانیدن باشقه برشی طنین انداز اولماز ؛ اورغ بیله ممنوعد ؛
 روسیه ده ارکک وچو جو قلردن مرکب اولان مینلر یک مشهوردر .

روس کیساننده بر برینه درت پرهیز وازدر . بو ، سنک همان نلته
 معادلدر . پرهیزلرله بایراملرک عرفه لرندن باشقه جمه و چهارشنبه کونی
 یوم وقت تاجی ، یوم خیانت یوداده ده پرهیز موجوددر . درت پرهیز

انسانده آت یتک قطعاً ممنوعدر . سوت ، ترهباغ ، یومورطهده نیز .
 یالکز بالیقده سیزده مساعدده اولونور . حال بوکه روسیهده سیزه پک آزد
 بناء علیه روسلرک قسم اعظمی آکل اسبک بر ملتدر : رینغا بالینی ایله
 مورینا ، ملتک غداسنده کنیش بر موقع طوتار . صوفیلر قشلیری
 بالیقزده محروم ایدرلر . دوت پرهیز مدتیجه کویلی قسماً صلامورا ایله
 قسماً ده قونسروه حله ایله یاشار . بویله برطرز تغدی بالخاصه استوریت
 خسته لغی باباز . قیشک اواخرینه مصادف اولان بویوک پرهیزک صوک
 هفته لرنده خسته لرک عددی چوغالیر . پرهیزک بایراملرده آجینی چیقارمق
 آرزوسی ده بر چوق قربانلر ویرر . پک سرت و صیق اولان ایشته بو
 پرهیزلردن وجود دوچار اضطراب اولدیغندن دولای ملتجه پک مقبولدر .
 چونکه اساس دین بودر : ریاضت ، مجاهده ائک بویوک فضائل خرسایانه دندر .
 ذاتاً کویاینک غداسی علی العاده اودرجه فقیرانه درکه بونک ایچین بولغور
 ایله چاودار اتمکنی آزالتمق کافیدر . سائر کویلولر بو پرهیزلرک کوچ تحمل
 ایدمیلیرلر . بوکا روسک قابلیت تحملیه سی ، سرتلکی لازمدر . تجاران
 آرانده پرهیزد رعایتسزک پیدرپی تکثر ایدیور . صوف عالیه ایسه
 بو پرهیزلردن چوقندن ازانچکشددر . ائک دیندار عاقللر آنجق بویوک پرهیزک
 ایلك و صوک هفته لرنده رعایت ایدرلر .

پرهیزلردن کندیلرخی عفوایتدیر مک ایچین متدین اولان ذوات باباسلرک
 مساعدده سی آلمغه لزوم کورمزلر . ایکی کایسا آردسنده بو قطعدهده فرق
 واردر . دها زیاده پرهیز دها زیاده بایرام ، دها فضله اطاعت و رعایتہ رغماً
 اورتودوقس کایسای اصدقاسنه دها چوق سربستی بخش ایدر . بو خصوصاته
 رهبانک صورت دائمهده مداخاله سی ایجاب ایتز . پاپاسه اطاعت قاتولیکلک
 درجه سنده دکلددر . بناء علیه اجرای عبادت کیفیتی اورتودوقس لقلده رهبانه
 عینی نفوذ و اقتداری ویرمه مشدر . اکثر قاتولیکلرجه پرهیز براتراطاعتدر .
 شرق کایسانک نظر نده پرهیز ریاضت و بایراملر حاضر اق دیمکدر . پاپا

طرفین احسان ایدین امتیازات و معافیات اونلر ده پاك كولونچ كلير. روسیه نك
هجری برلر نده پرهیزه رعایت ایتمه یئرله قارشی پاك نفا معاملهلر ایدر لر .

روس کلیسایند حضرت عیسا نامه اجرای ریاست آیله یین بر حکومت
مرکزیه اولمادیغندن ایجابات زمانه یه ویا احتیاجات اقلیمیه نه کوره توفیق
حرکت آیله مک اقتدارندن محرومدر . او ، عنعناتك رسوم مذهبه نك ،
اماناتك اسیری در . بوتون بونلر عقیده کبی لاینتیردر . قاتولیکلک ایسه
بوکبی شیلرده دها زیئده بر حریت و ملایمته مالکدر . قاتولیک کلیسایند
بوتون حکم و نفوذک ید واحدده تمرکزی اونی دها سربست یاییور .
لاینطخی پاپاده تجسم ایدن کلیسا ایسته دیکنی سویله بیلوب ایسته دیکی یرده
کیده بیلدیکی حالدده شرق کلیسای نامه اداره لسان ایده جك بر آدم
اولمادیغندن سکوته . عدم حرکت محکومدر . اونك آغزی ایقونلری
کبی قبالی در .

روسیه ده پرهیز یانکز بر دوره ریاضت دکل بلکه بر زمان تأملدر .
بوئاننده دولت بعض نوعا کلتجهلری بیلدمنع ایدیور . مثلاً بویوک پرهیزده
حکومتك معاونت تقدیمه مظهر اولان بویوک تیاترولر مسدوددر .
یالکز آت جابازخه لری ، چالغیلی قهوه لر آچیقدر . پرهیز لوقوق
واو فباخ موسی در . بایرملرك مقداری ده پاك چوقدر . بو ، صحت
عمومیه ایچین پاك فنادر . ایام عید ، عیش و عشرت زمانیدر . روسلر
اوطور مقندن ویا متمدناً ایچمکدن باشقه بر ذوق بیلنزلر . ایشزلك
ام الفنا یحدر . بر پروستان مملکتده زراعه چالیشق ایچین ۳۱۰ کون ،
قاتولیک مملکتلر نده ۳۰۰ ، روسیه ده ایسه انجق ۲۵۰ کون قالیور .
بو حال ترقیات اقتصادیه مانع اسبابك بریدر . واکثریا بوبایرملر زمان
زراعت و حصاده تصادق ایدر . حاصلی بوایام مسرت زروس زراعتی ایچین
برفلاکتدر . دیگر طرفدن فرانسه ویا آلمان چوجوقلری قدر روس
مکتبلر نده استفاده اتمک ایچین اونلرك ایکی سه دها فضله مکتبه

اوتوقومالری ایجاب ایدر . بومسألهیه تقویتك اصلاحی ده مربوطدر : روس کلیسای و حکومت . زولیهن تقویتنی محافظه ایدیور ؛ همان بوتون اقوام طرفندن خطا آلود اولماسندن دولایي ترك ایدلدیکی حالده روسیه الآن بر اقامشدر . أسکی رومانك بوتقویتنی روسیهك هنوز قوللانماسی بیله نظر اجنبیه برنشانه تأخردر . روما کلیسای تقویتنی بالذات اصلاح ایستیکی حالده روس کلیسای بوکا مقتدر اولامیور . او، زولیهن سمنه باغلی در . سمنك تبدلندن کویلی ده منبون قالمیه جوقدر . چونکه بایراملك صورت جریانی قاریشه جق، اغزهك كونلری ده دکیشه جكدر . وجدان ملت موضوع بحث اولدینی وقت اوتوقراسی کندنده بی پایان بر قوت و اقتدار حس ایدیمیور ؛ اونك دائره اقتداری، دین یاخود خلقك افکار باطه سیله محدوددر .

روسیه ده نکاح مدتی یوقدر . اعتراف ذنوب خصوصنده پاپسه حکایه ماجراییه لزوم اولمایوب سادهجه « کناهکارم » دیمك بر جواب کافی در . ارمیلر دده بویله در . یالکز روسیه ده بر عادت واردرکه اعتراف ذنوب ایدیه جکله اول امرده ایقار بندن ، محبانندن ده طلب عفو آیلرلر . روسیه ایله شرقده هر ایش ایچین پاپسه پاره ویریلیر . بوده رهبانك فقر حاللرینك بر نتیجه سی در . بعض مراسم مذهبهك روسیه ده تماماً خارجی ، یالکز بر شکلدن عبارت قالماسك سنبی کلیسا ایله دولتك اتحادندن دولایي در . کلیسای دولت برواسطه حکومت کبی تلقی ایدر . واقعا لك بویوک جباریه بیله روسیه دده کنا دچیقاران پاپساردن نادراً بعض اسرازه واقف اولدیلر . بویوک پترو اوغلی آلکینك کنا دچیقاردینی پاپسندن بعض شیلراو کرتمك ایچین اوکا اشکنجه ایتمک مجبور اولدی . روسیه ده الیوم برچوق کیمسلر بوصف پاپسیره قارشی مستعلق معاونی کبی باقارق محترزانه حرکت ایدرلر . اشکال مذهبهك اشکال سیاه ایله کیزلی برقراتی واردر ؛ مثلاً قاتولیکلك اوتوریتیه ، اصول مرکزیه ، مونارشییه متمایلدر ؛

پروٹستانلق دھا زیادہ حریت ، توسیع ماذونیتہ ، پارلمانتہر برادارہ حکومتہ
 مستعذر . اور تودوقس کلیسانک ایسہ مختلط و مشوش برہنہ سی اولر یغندن
 تمایلاتی ضبط و تعین ایتمک کوچدر . هیچ بر شکل سیاسی یہ طرفدار دکل
 کچی کوزونور . ہپسہ قارشی روضندہ بر لاقیدی واردر . اور تودوقسلی
 بالذات کندیندہ اقوامی سوق و ادارہ ایدہ جک ایدہ آل بر حکومتہ مالک
 دکندر . حریت یا استبداد ، جمہوریت و یا موناشری ، دموقراسی یا
 آریستوقراسی بونلرک ہپسہ قاتلابیور . آشوشندہ نداقوم حریت ونہدہ
 اقنوم اسارت مند مجدر . او ، دولتی کندی شکلہ صوقاجق یردہ بالعکس
 کندیبی اوشکاکہ کیریور .

— مابعدی وار —

احمد مجیب